

楓山章文懿公年譜
金忠潔年譜



金
忠
潔
年
譜

金鏡編述
金鑑參訂

中
華
書
局

叢書集成初編

楓山章文懿公年譜（及其他一種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN 7-101-00894-1/K·367

金忠潔年譜

弟鏡編述鍾參訂

謹按

萬曆三十八年庚戌七月十九日壬戌伯兄生於北
京崇文門內總捕衙衙寓邸生之日與先大父
同是日味爽先大母隱几臥夢一羅漢入室驚
寤汗如雨辰時伯兄生移刻進士夏公嘉遇來
先大夫喜曰夏公來爲吾兒兆耶因命乳名曰
甲兆命名曰繩第知交中以生辰同祖共相賀

曰其編祖武子

四十二年甲寅伯兄五歲發痘得逆症百藥罔效勺水不
入者數日氣垂絕伯兄忽見有異僧圍繞層列若百
千萬者咸袈裟誦佛時伯兄隔窗呼先大夫曰諸僧
來兒可不死旣而漸食痘漸起月餘乃愈

四十三年乙卯伯兄六歲出就外傳一目數行下師大奇
之

四十五年丁巳伯兄八歲先大夫改命名鉉字伯玉

四十七年己未伯兄十歲善屬文師喜評其課曰認理真

切措詞奇矯他年大作用人

天啟三年癸亥伯兄十四歲應童子試補京兆尹弟子員
四年甲子伯兄十五歲應順天鄉試本房擬薦以經文稍
異列備卷

五年乙丑伯兄十六歲先大夫爲聘上林苑監監丞朱公
家麟第二女

六年丙寅伯兄十七歲應督學歲試取一等補增廣生
七年丁卯伯兄十八歲

秋八月應順天鄉試舉第一人放榜前一日桂香滿舍
經日不散左右鄰皆聞先是先大夫幼先大父輒命

誦鄒汝愚先生十八領解馬上口占詩曰龍泉山下
一書生偶竊三巴第一名世上萬般難了事鄉人何
事太相驚先大父每謂先大夫曰使汝得如鄒先生
吾願足矣先大夫年十八先大父卒先大夫每述此
語以詔諸子輒泣下而伯兄發解年適十八始知大
父若有前知非偶然也

崇禎元年戊辰伯兄十九歲會試舉南宮第二百二十名
廷試賜三甲同進士出身第一百三十四名觀刑部
政傳臚前一日日正中伯兄入室見紅光滿壁熠燿
如火亟呼鏡暨諸弟等共視許時乃滅

秋七月成三加禮娶元配朱氏

九月伯兄特疏請改教兄應選知縣自以性好靜喜讀書遂請廣文

冬十二月奉旨改授揚州府儒學教授時四弟鉉有遽疾伯兄憂憊甚一夕謂弟鑑曰四弟危矣爲我裁黃箋來吾爲請命於天遂挑燈草表再拜焚之翼日弟鉉漸有起色不數日愈焉

二年己巳伯兄二十歲

春二月赴維揚任教諭諸生先行業而後文章燕居言行俱有規格諸生懍懍事之若耆宿罔敢以洛陽年

少目之者曰丹鉛諸生課藝每試必自構文以式之
一時文風蔚起從遊者比於胡安定之門

夏六月長子生十一月以痘殤嫂朱氏產後感疾卒鑑
弟自睢之揚兄躬督課藝暇則自讀春秋三傳莊子
史記

冬十月陞國子監博士回原籍武進祭祖墓悉出積俸
徧贍親族

三年庚午伯兄二十一歲

春二月自武進北發迂道至睢省二尊人三月入都時
司成爲瑞屏顧公明卿陳公皆加意造士雅重伯兄

特令專試事所第高下衆罔不服凡所拔士皆連擢
第去

夏四月繼娶上林苑監監丞朱公家麟長女先嫂胞姊
也伯兄入都後益喜讀書更沈潛於理學經濟先
玩周易取卦象大象手錄數過復掩卷靜悟曰我自
有心易不因人解也既而讀程傳曰得之矣爰以程
爲主朱義次之古今易解多方搜覽以俟參考時自
爲解說然多棄去不存曰未是也讀易之暇則取史
記漢書暨左國通鑑孫吳兵法究之謂學貴實際有
體無用吾不爲也

四年辛未伯兄二十二歲

夏六月陞工部都水清吏司主事監督器皿廠光祿內
監移文謂銅錫諸器例應大造蓋借此冒破錢糧物
料伯兄云當視損壞之大小以定修造豈可援例內
監不敢復言

第二子生十月殤

秋九月覃恩敕命授階承德郎封母爲安人元配贈繼
封俱安人 邊信急奉本部堂委修理安定等四門
軍器共計修過銃礮一千八百有奇長槍等件四千
一百有奇挨牌一千四百有奇人工物料每日親詣

察飭綜核務求堅利風雨不避也

冬十月建言請罷內臣建署時命內監張彝憲總理戶
工二部錢糧特建公署伯兄力請止之疏謂廉恥不
可不維浮費不可不惜公署旣建勢必強司屬匍匐
於獨踞之庭卽諸臣矯矯自好當亦不爲內臣屈而
其中保無暮夜多慚寡廉鮮恥以曲護其醜自行其
私者乎此風一開將蔑本來之堂屬而不顧而轉倚
內臣爲地官冬官之司命奔趨諂諛之習漸見於建
署之後褻皇靈而喪士氣甯有甚於此者疏入不報
十二月張彝憲公署已建擇日上任欲令兩部司屬行

謁見禮伯兄曰不幸而前言驗矣又具監臣移檄非體一疏極言彝憲亢顏昧心妄自尊大以皇上迪簡之臣子而令其磬折偃僂將置自有之堂屬別行誣妄之儀去不易之公廷強抑刑餘之下臣委質聖朝自矢無玷斷不敢匍匐彝憲獨踞之庭致罹交結之條也得旨各官遇有職事相關自當禮見其餘不必通謁至彝憲上任諸司竟未通謁於是彝憲愧極恨極矣是時本部題管杭州抽分命下隨告病回籍五年壬申伯兄二十三歲

春正月彝憲挾恨以驗放火器題參奉旨下部議處部

初議奪俸六月不允再議降一級用不允竟改票落
職且詰責天曹徇庇於是伯兄有自訟一疏具言彝
憲誣竊報復始末旋有堂官暨都憲諸公代爲剖陳
不報時伯兄已請告在籍得旨落職可勿入謝而伯
兄易帽趨朝叩頭午門外卽刻騎驢出城復居舊寓
打磨廠之敝廬寄書先大夫曰兒幼承父訓不敢阿
世取容今雖失一官於心無愧諒大人亦未必謂兒
不孝謂兒不忠也且蒙恩得返初服從此篤志詩書
天之成兒正在茲矣伯兄旣放歸絕意仕進惟日閉
門讀書究心物理性命之學悉取五經四書大全暨

諸儒語錄博覽窮思務造其極於是易學似又有所
窺復爲解說然自謂善易者不言易也

六年癸酉伯兄二十四歲

博選古文自周秦迄唐宋凡若干卷以國語周襄拒晉
文請隧篇爲首謂關係甚大宜接尙書秦誓魏吳六
朝絕不錄周秦兩漢而下惟唐宋八大家入選嘗書
聯曰周秦兩漢之文濂洛關閩之學又曰讀書卑魏
晉爲文絕排偶然淵明先生集則奉爲典型時時玩
味曰六朝之可法可傳者獨此公耳鏡自辛未夏隨
先大夫任睢陽是年夏四月入應鄉試見伯兄識見

學問並勝五經無不成誦八大家手批且徧每一問
難出人意表至於論易尤有精理鏡曰兄言被放爲
天成今果然矣兄笑而領之是時家居年餘先大
夫宦遊於外外侮時有之而伯兄不見不聞意思
自若蓬蓽環堵風雨罔蔽而抵掌古今怡然甚樂巾
折屐穿手不釋卷貴人相謁輒託疾不見日與二三
知己議道談心在都下者則業師伯衡徐公暨司直
于君肩吾蔣君若侯范君敬哉王君維梅黃君穎叔
毛君仲木公狄析木三梁君商賢楊君在四方者則
容城鍾元孫君清苑念尼王君丹陽順伯盛君上虞

元明謝君延平若木盧君潼川映西文君

冬十一月先大夫公車北上見伯兄所學大驚日子益
矣行當以理學得名

七年甲戌伯兄二十五歲

是年深於毛詩春秋周禮之學復多精解 鏡暨諸弟
皆在京伯兄曰督課藝經書奧義時時發明

八年乙亥伯兄二十六歲

夏四月奉旨起用廢譴各官吏部博採公論覆議言事
爲事諸臣應卽起用者若干人序伯兄於言事之列
名下開處分緣由云抗疏建言因修理舊時軍器偶